



Broj: 27-05-22225/18

Sarajevo, dana 17.05.2018. godine

Na osnovu člana 17. Zakona o javno-privatnom partnerstvu („Službene novine Kantona Sarajevo“, broj: 27/11 i 16/17), člana 4., 12., 19. i 20. Uredbe o kriterijima i postupku izbora privatnog partnera i postupku izbora konsultanta („Službene novine Kantona Sarajevo“, broj: 27/17), a na prijedlog Komisije za izbor privatnog partnera za projekat pružanja usluge projektovanja, zamjene, ugradnje i održavanja „LED“ svjetiljki i sistema upravljanja javnom rasvjetom na području Kantona Sarajevo, Ministarstvo komunalne privrede i infrastrukture Kantona Sarajevo, d o n o s i:

### **ODLUKU**

Poništava se postupak izbora privatnog partnera po Javnom pozivu za izbor privatnog partnera za pružanje usluga projektovanja, zamjene, ugradnje i održavanja „LED“ svjetiljki i sistema upravljanja javnom rasvjetom na području Kantona Sarajevo.

### **O b r a z l o ž e n j e**

Ministarstvo komunalne privrede i infrastrukture Kantona Sarajevo, kao ugovorni organ dana 09.02.2018. godine objavilo je Javni poziv za izbor privatnog partnera za pružanje usluga projektovanja, zamjene, ugradnje i održavanja „LED“ svjetiljki i sistema upravljanja javnom rasvjetom na području Kantona Sarajevo u „Službenom glasniku BiH“, dnevnim listovima „Oslobođenje“ i „Avaz“, te na web stranici Ministarstva.

Dana 09.03.2018. godine na identičan način objavljena je Odluka o produženju roka za podnošenje prijave na Javni poziv.

Ministarstvo je kao ugovorni organ, formiralo Komisiju za izbor privatnog partnera za projekat pružanja usluge projektovanja, zamjene, ugradnje i održavanja „LED“ svjetiljki i sistema upravljanja javnom rasvjetom na području Kantona Sarajevo, Rješenjem broj: 27-05-25774/18 od 08.02.2018. godine koja je pokrenula proceduru izbor privatnog partnera.

Navedena Komisija je, u skladu sa članom 19. stav (3) Uredbe o kriterijima i postupku izbora privatnog partnera i postupku izbora konsultanta, dana 11.05.2018. godine Ministarstvu komunalne privrede i infrastrukture dostavila Prijedlog odluke broj: 27-05-25774/18 od 10.05.2018. godine kojom se poništava postupak izbora privatnog partnera po Javnom pozivu za izbor privatnog partnera za pružanje usluga projektovanja, zamjene, ugradnje i održavanja „LED“ svjetiljki i sistema upravljanja javnom rasvjetom na području Kantona Sarajevo.


U obrazloženju Prijedloga odluke se navodi da su tokom postupka uočeni nedostaci tenderske dokumentacije u svim fazama postupka koji se ogledaju u kvalitetu svjetiljki i sistema upravljanja. Uočeni nedostaci rezultirali su nemogućnošću prihvatanja ponuda rangiranih po iskazanom bodovnom sistemu, imajući u vidu činjenicu da bi izbor privatnog partnera na projektu pružanja usluge projektovanja, zamjene, ugradnje i održavanja „LED“ svjetiljki i sistema upravljanja



javnom rasvjetom na području Kantona Sarajevo baziran isključivo na osnovu bodovnih parametara predloženih u dokumentaciji za nadmetanje bio u konačnici štetan po javni interes i Kanton Sarajevo.

U skladu sa naprijed navedenim Prijedlogom odluke Komisije i na osnovu člana 12. i 20. stav (3) Uredbe o kriterijima i postupku izbora privatnog partnera i postupku izbora konsultanta, odlučeno je kao u izreci.

Nadalje, imajući u vidu načela utvrđena u članu 4. Zakona javno-privatnom koja je javni partner dužan poštovati te odredbe člana 24. Zakona kojima je definisana nadležnost Komisije za javno-privatno partnerstvo, Ministarstvo komunalne privrede i infrastrukture će Komisiji uputi inicijativu za pokretanje procedure izmjena i dopuna Zakona o javno-privatnom partnerstvu i donesenih podzakonskih akata u smislu preciziranja i usaglašavanja odredbi koje se odnose na tendersku dokumentaciju, postupak izbora privatnog partnera i dužine rokova koji su utvrđeni za pojedine radnje u postupku.



Dostaviti:

1. Svim ponuđačima u postupku po javnom pozivu
2. Komisiji za javno-privatno partnerstvo
3. Komisija za izbor privatnog partnera
4. Evidencija
5. Arhiva



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-086, Fax: + 387 (0) 33 562-177  
Sarajevo, Reisa Džemaludina Čauševića 1

